

Temeljem članka 26., 45., 143., 144. i 145. Statuta Visoke škole „CEPS-Centar za poslovne studije“ Kiseljak broj: 536/14 od 02.06.2014.godine, Senat na 33. sjednici održanoj 06.06.2014. godine, donosi:

**PRAVILNIK O UVJETIMA UPISA I PRIJELAZA
S DRUGIH STUDIJA NA PREDDIPLOMSKI STUDIJ VISOKE ŠKOLE
„CEPS-CENTAR ZA POSLOVNE STUDIJE“ KISELJAK**

Članak 1.

Prijelaz ili upis na Visoku školu “CEPS-Centar za poslovne studije” Kiseljak (u daljnjem tekstu: Visoka škola) mogu zatražiti osobe koje su upisane na drugi studij ili su ispisane s drugog studija, osobe koje su završile stručni studij i stekle manje od 180 ECTS.

Članak 2.

Visoka škola će primiti studente koji prelaze s drugih studija, ako postoje slobodni kapaciteti i uvjeti za izvršavanje preostalih obveza studenata.

Članak 3.

Studentima koji u toku godine prelaze sa drugih visokih škola, fakulteta i sveučilišta iz BiH na CEPS ili studentu koji ima položenih ispita iz prethodnog školovanja, priznaju se položeni ispiti odlukom ravnatelja, a na osnovu rješenja Komisije za priznavanje ispita.

Komisiju za priznavanje ispita imenuje Senat CEPS-a. Za rad komisije student je dužan da uplati naknadu predviđenu Odlukom Upravnog vijeća.

Priznavanje ispita iz prethodnog školovanja vrši se na osnovu uvida u originalne, ovjerene fotokopije ili uvidom u originalne dokumente, ako se ne predaju originalne ili ovjerene fotokopije potrebne dokumentacije kojom se dokazuje plan i program prethodnog školovanja, položeni ispiti i ostvareni uspjeh kao što su: prijepis ocjena, uvjerenje o položenim predmetima sa postignutim ocjenama, studentska knjižica (indeks), dodatak diplomi (*diploma supplement*) i drugi dokumenti koji imaju svojstvo javne isprave i koji su utvrđeni zakonskim i podzakonskim aktima. Nastavni plan i program može osigurati i CEPS.

Komisija priznaje studentu položene ispite iz onih nastavnih predmeta koji se po sadržaju prema svom nastavnom programu preklapaju bar 50 % sa nastavnim programom odgovarajućeg predmeta koji se izučava na CEPS-u.

U skladu sa principom cjeloživotnog učenja i priznavanja prava na obrazovanje kao osnovnog ljudskog prava, CEPS će omogućiti produžetak školovanja i neće diskriminirati studente koji prelaze sa drugih visokoškolskih ustanova, ili studente koji imaju diplomu iz prethodnog školovanja, ili studente koji imaju položenih ispita u prethodnom školovanju po bilo kom osnovu (*diploma stečena u nekoj od republika bivše Jugoslavije, diploma stečena u višoj školi, diploma*

stečena u školi koja je prestala sa radom, politička struktura predavača itd.) u skladu sa matičnim oblastima.

Članak 4.

Uz zahtjev za prijelaz i upis na preddiplomski studij prilaže se:

- svjedodžba stručnog studija,
- svjedodžba sveučilišnog studija
- diploma sveučilišnog studija.

Studenti izvan BiH obrazovnog sustava, dužni su dostaviti dokumentaciju kojom dokazuju svoj status i položene ispite.

Članak 5.

Zahtjev za prijelaz ili upis na preddiplomski studij dostavlja se studentskoj službi do 30. rujna za upis u zimski semestar ili do 28. veljače za upis u ljetni semestar tekuće akademske godine.

Članak 6.

Ukoliko su ispiti koji se prenesu položeni na visokoškolskoj ustanovi koja je matična iz istih znanstvenih oblasti kao i CEPS, tada student na CEPS-u može da upiše narednu godinu studija u odnosu na godinu studija koja mu je priznata na toj visokoškolskoj ustanovi, bez obzira na postojanje eventualne razlike u nastavnim planovima, uz obvezu polaganja razlike predmeta.

Ukoliko su ispiti koji se prenose položeni na visokoškolskoj ustanovi koja nije matična u istim naučnim oblastima u kojima je matičan i CEPS, tada student na CEPS-u može da upiše onu godinu studija koja odgovara broju priznatih kredit-bodova i to:

- Minimum 40 priznatih kredit-bodova za upis u drugu godinu studija i
- Minimum 90 kredit-bodova za upis u treću godinu studija.

Za upisanu godinu studija po osnovu prelaska sa druge visokoškolske ustanove, ili po osnovu produžetka školovanja, student plaća punu naknadu školarine.

Student je dužan da u daljem školovanju na CEPS-u položi svu razliku ispita i da stekne broj kredit-bodova predviđen za upis u naredne godine studija u skladu sa odredbama ovog Statuta.

CEPS može organizirati dodatne provjere znanja, odnosno polaganje razlike ispita prije redovnih ispitnih rokova kako bi olakšao studij zainteresiranim kandidatima.

Studenti koji prelaze na CEPS sa drugih visokih škola, fakulteta, sveučilišta ili visokoškolskih ustanova iz inozemstva, dužni su provesti proceduru nostrifikacije inozemnih diploma.

Studenti koji imaju diplomu više škole ili studenti koji su stepenovali stečeno obrazovanje na nekom od fakulteta na području BiH i po tom osnovu posjeduju odgovarajuću javnu ispravu, mogu da produže školovanje na trećoj godini studijskog programa koji su organizovani na CEPS-u, ukoliko je matičnost te više škole odnosno visokoškolske ustanove u skladu sa matičnosti CEPS-a.

Matičnost više škole odnosno visokoškolske ustanove, te usklađenost sa matičnosti CEPS-a utvrđuje komisija, imenovana od strane Senata. Ukoliko Komisija utvrdi podudarnost matičnosti visokoškolske ustanove na kojoj je student stekao diplomu u prethodnom školovanju sa matičnosti CEPS-a, studentu se omogućava produžetak školovanja na 5. semestru matičnog studijskog programa, te se na osnovu prethodnog obrazovanja studentu priznaje ulazni nivo od 120 ECTS kredit-bodova.

U postupku procjene usklađenosti matičnosti visokoškolske ustanove u kojoj je student stekao diplomu u prethodnom školovanju sa matičnosti CEPS-a Komisija vrši vrednovanje studijskog programa te visokoškolske ustanove, te vrste i novoa postignutih znanja i vještina studenta. Jednom izvršeno pozitivno vrednovanje studijskog programa važi za sve naredne slučajeve.

Studenti koji su diplomu stekli na visokoškolskim ustanovama čija se matičnost djelimično podudara sa matičnosti CEPS-a, mogu da produže školovanje uz uslov polaganja diferencijalnog programa kojim se upotpunjava matično kvalifikaciono jezgro struke.

Komisija za matičnost je dužna da jednoznačno definiše sadržaj diferencijalnog programa kojeg studenti polažu paraleleno sa programom nastavka školovanja.

Studenti su dužni da do sticanja diplome prvog stepena steknu minimalno 180, odnosno 240 ECTS kredit-bodova savladavajući program odgovarajućeg studijskog smjera iz 5. i 6., odnosno 7. i 8. semestra i savladavajući program diferencijalnog studija ukoliko je takav program određen Rješenjem o nastavku školovanja na CEPS-u.

Ukoliko je student tokom svog prethodnog školovanja položio neki od predmeta koji se izučavaju u programu nastavka njegovog školovanja na CEPS-u, tada može da umjesto tog predmeta polaže neki od obaveznih stručnih predmeta navedene studijske grupe iz prethodnih godina. Zamjenu predmeta iz prethodnog stavka odobrava Ravnatelj na osnovu posebnog pismenog zahtjeva studenta.

Članak 7.

Studentima će se odrediti obavezno polaganje određenog broja razlikovnih/obaveznih ispita. Visoka škola će omogućiti studentima konzultacije s predmetnim nastavnikom i sva prava polaganja ispita koja vrijede za predmete studija.

Studentima, kojima je razredbeno povjerenstvo priznalo položene ispite kao istovjetne

ispitima stručnog studija na Visokoj školi u ukupnom iznosu od najmanje 40 ECTS bodova, biti će odobreno pravo upisa na drugu godinu studija uz obavezu polaganja svih ispita iz prve godine studija koji studentu nisu priznati kao položeni.

Studentima kojima je razredbeno povjerenstvo priznalo položene ispite u ukupnom iznosu od najmanje 90 ECTS bodova biti će odobreno pravo upisa na treću godinu stručnog studija na Visokoj školi uz obavezu polaganja svih ispita iz prve i druge godine studija koji studentu nisu priznati kao položeni.

Članak 8.

Student snosi troškove polaganja razlikovnih ispita sukladno Odluci o troškovima školarine tijekom studija.

Članak 9.

Sva pitanja koja nisu regulirana ovim Pravilnikom rješava razredbeno Povjerenstvo iz članka 6. ovog Pravilnika, u skladu sa Statutom.

Članak 10.

Poslovnik stupa na snagu osmog dana od dana održavanja sjednice Senata, nakon čega prestaje da važi Pravilnik broj: 55/10 od 30.09.2010.god.

Broj: 579/14

Kiseljak, 06.06.2014.godine.

Predsjednik Senata:

Pred. VŠ Nebojša Zdravković